

國朝畿輔詩傳

國朝畿輔詩傳卷二十

長洲陶 樑堯薌輯 天津梅成棟樹君校

翁叔元

叔元字寶林號鐵菴永平人康熙十五年一甲三名進士歷官刑部尚書有梵圍詩集

韓奕翁公神道碑公初名梅字寶林甫離襁褓就傳即自力於學康熙壬子舉京兆丙辰成進士以一甲第三人授編修戊午館試第一尋主山東試拔畢世持等為各省試解最歸纂明史尋由贊善歷升工部尚書壬申補刑部尚書丁丑以病乞休又四年薨於里第年六十九公所居官皆以實心達之性和厚而義理所在亦屹不可奪在史館皆推其有筆每奏一篇上皆稱善官祭酒所拔者皆翁然稱允工部歲發柴炭值八萬金多侵耗每預探支時方二十

七年所司具薦將給二十九年之半公計所虛
 耗約十萬每歲少給二萬至五年其數悉償部
 例每興一工先計其直上之名曰料估工完多
 目破所司慮任怨不敢以聞有十年不銷算者
 大工至四十三案公請六部舉司官各二人分
 董其役甫半載積案一清在刑部聞銀鑄叫號
 聲輒慘戚以故平反甚眾嘗語荊州縣奏當之
 成吾固知多寃然率周內不可破概駁徒致株
 連久繫容更有疾死者可奈何或部即詰正而
 不復行所由官其庶乎蓋公以愛民為心自少
 讀古名臣奏議陳民疾苦則涕泗交頤怒然憂
 人之憂不樂己之樂其志量甚大惜乎在位未
 久猶未得究其用也有德於公者一言之知一
 飯之恩終身不忘必過滿其所望猶不已也造
 就人才如不及今詞館之備異者多在
 公門子是揆是乎聰穎俱能讀父書
 張維屏詩人徵畧司寇嘗具疏一請復積分之
 法一請令諸生習禮肅觀聽一請嚴懲不率今
 太學朔望釋菜禮司寇所定司寇少貧甚以父
 王于先生周之助其成立故司寇以叔字命名

誌不忘玉于先生諱長庸順治丁亥進士官至
布政司參議以清節著嘗遊粵與陳元孝梁際
亭諸先生唱酬甚歡參政六世
孫遂齋學使爲余述之如此

病中雜述

邇來有微疾遂得身閒居隱几發清思且復親詩書夜
闌不成寐落月明前除漸覺萬慮捐往往見太虛多恐
疾良已此念又復初

我初亦何爲無端在陶冶我身旣非真况乃名氏假因
復被虛聲從人置高下微生屬醜鷄世事付野馬浮雲
與電光於我何有者

下第出都途中偶成

國朝綏輔詩傳

卷三二

二

孤蹤寂寞與時違
匹馬荒郊趁落暉
有影自隨還對語
無家可老尙思歸
花當寒谷先秋落
雁叫空江帶雪飛
棄婦可憐身已去
向人猶整嫁時衣

閩官軍收入閩

三年轉戰苦蒼生
禁旅傳餐滿市城
寶氏已來關右表

令公猶典朔方兵
卻看星象書含譽

司天奏含譽星見

應有花

名賜太平

宋仁宗時蜀地貢名并賜名太平花

願得臨邊諸將帥
許教隴

畝事春耕

李聘

聘字莘起號伊庵長垣人
康熙十五年進士官

廣東陵水縣知縣有余存集二卷

長垣縣志萃起明開封知府猶龍孫幼聰慧多
智畧明末流寇之亂僧紳盡逼而西聘亦在其
中逸次設奇計逸歸年十五補博士弟子為學
使熊伯龍所賞康熙壬子領鄉薦丙辰成進士
選江西寧都縣邑多林谷佃客李矮等負固抗
官租十餘年不服聘滋任單騎入閉誠撫諭矮
等感泣輸租後知廣東陵水縣邑三面環海多
瘴跡黎峒三十餘所親履其穴惟牛以搞申明
法令黎民相悅會雷瓊道以採取花黎羣黎激
變相連者百十餘响獨陵水黎勿從卒年七十
六有伊庵詩集

六有伊

部煥元序萃起少負雋才博貫羣書凡天官

河渠易象岐黃家言無不洞囑尤專力於詩

李澄中序萃起令寧都兩載輒罷去懷才蘊抱

無所發摠溢為幽憂之旨獨獨漉漉大放厥詞

有伯玉之簡穆

曲江之蕭遠

雜感

束髮愛讀書篋中得陰符揣摩良亦苦策名達 帝都
五斗歸來晚俛仰愧庸夫鷹鷂巢胸臆笑語生戈戛人
情一何薄不謂在吾徒大雪沒曉天做裘敵肌膚忍受
饑寒名突兀懷古初皇天宥小人君子且趨起

太行無坦途渤海無澄波人生總百歲憂患日相過曉
起畏人語夜眠困鬼歌鬼歌則已己人語可奈何披榛
樹蘭蕙寸心信非他中道遭委棄零落遠山阿秋光香
未老亭亭轉婆娑霜雪正蒙養抱真仰天和

作客思故鄉結交思故人豈不貴新知眷言平生親朝

登白馬口暮渡黃河津夷門有委巷自昔多隱淪一言
驚四座長策卻強秦伏劍疑何愚士爲知己伸悠悠千
載上此義薄秋□世無魏公子感之鼻酸辛

蘇門懷古兼呈陳明府

太行迤西來蜿蜒亘中土支分蘇門山儼若孫侍祖瞻
彼安樂窩白雲朝暮吐理學開關闢道演先天數雅量
如公和高臺已榛莽眼底司馬兒寧與嵇阮伍想其長
嘯時彷彿山水補人傑地以靈二子均千古尹茲者陳
侯丙辰余同譜裹我遊山糧供我遊山酷仰視俯一切
兩腋集烟雨歸臥百泉上夕陽橫前浦

黎尚

南方風氣異萬里無霜雪祝融常司令終歲皆炎熱
爾尚中黎其性與人別下者爲巢居上者爲營窟四序
不知年但視月完缺家家養黎鬼事事必取決男女無
媒妁踏歌水面媒漁獵作生計茹毛而飲血居然混沌
風乃勢若吳越種類日以繁各自爭雄傑出入行以兵
刀箭總不輟大尚連千家小尚徧邱垤余初尹茲土朝
夕心切切入境方三日親自履其穴問俗識要領若輩
分優劣椎牛以犒之少長咸就列約法申三章感激聲
嗚咽自是修職貢制匍赴官闕熙然安耕鑿遠近胥歡

悅何人專閫外無端啓獄孽實兵挾邀賞飽騰仍摘觖
九重亦震動重臣代巡閱下吏承風旨五刑畢
具設二十九員官一時陷縲紲余也僅守篆理直竟立
洩微名幸瓦全區區實不屑抱薪而救火禍亂終無歇
焉用此黎爲毋乃天不絕

漢昭烈廟

漢室中微日樓桑產異人應符如白水發蹟始黃巾事
業三分定君臣一體親至今逢伏臘父老薦青蘋

送衛郎中出守龍安

五馬雙龍郡三秋萬里期猿聲悲鼓角鳥道肅旌旗地

國朝詩集卷之二
識蠻姬井人留漢相祠政成來報最一卷錦官詩

題左氏園

下馬成孤往蘿陰逕轉疏愁經寒食後懶對落花初古
樹宜幽鳥春光眷敝廬主人常謝客安坐賦閒居

夜感

夜刻長于晝蕭然一敝廬自吟殘月下相伴短檠餘家
計貧逾懶人情老漸疏寒蛩多意緒唧唧解愁予
寂寞誰相問端居恥世情文章今日賤富貴古人輕說
鬼何妨妄逃禪不愛名頽然成獨醉落月夜牕橫

早發固關

豎角驚殘夢鷄鳴早度關雲深埋古堞木落響空山絡
繹哀泉瀉磷响怪石頭停鞭頻眺望嶺外一僧還

晉祠

野殿秋風裏荒庭落日過猶存周俎豆不改晉山河古
篆丹文杳高原白壘多年年桐葉在感慨意如何

耳食訛壬癸

俗稱仁
貴廟

到來天乙宮溪毛經雨綠石髮入

秋紅竹鎖平橋外泉鳴亂石中勞勞名利客誰得傲漁
翁

自東流挽舟上建德

道出東流下輕帆帶雨過水從吳地轉山入楚天多竹

鼠藏深樹江豚戲晚波南方風景異藉此慰蹉跎

登宜春臺

高臺空萬象縱目入氤氳到寺羣峯合環城一水分僧
餐岩畔雪客臥閣中雲最上真如境低徊夕日曛

自袁州陸行晚渡瀘溪

肩輿行且倦落日轉驚心怪木千章合寒烟十月陰溪
聲喧野碓露氣冷秋砧野渡無人問懷然思不禁

春郊行

寧都糧逋九年人鮮定志丁卯冬余來尹茲時
四郊多壘蚤夜戢綏漸知嚮化徧歷田間聊仿

古人勸相之意悵然有作

孤嶂懸天半亂流喧地中荒屯餘鳥蹟古道闢蠶叢始
信封疆異遺傷教化窮誰云盤錯利蹇蹇愧臣躬

戰壘今仍在瘡痍未起時民窮情益險吏雜政多歧夜
雨三更夢秋江一卷詩小臣心萬里何以報

知

路轉驚峯斷環溪架小橋燈明知夜市木落見山猿水
旱交相迫流亡半未招斯民憔悴甚風雨漫漂搖

余解組數月暮春復自贛返寧苦雨次大洲塘舊
父老齋鷄酒來迎漫成

霽景開梅水孤帆野色縣方愁雲蔽日忽喜月當天故
老三春酒前官半夜船杜鵑啼不歇危坐意悠然

登岸

犬吠孤村近人烟障幾重斜門三面水古屋萬年松苦
菜當春種香杭趁月春無庸驚小隊我已遂歸農

次石門

峭壁胡中斷何年鑿此門人傳楊僕壘鬼哭呂嘉屯海
氣吞殘日嵐光沒遠村篷牕聽戍鼓永夜暗銷魂

初入廣州

頓覺風光異乾坤半水中編氓科蠶戶履畝稅鮫宮木

葉經年綠山花入臘紅一從歸漢土聲教已全通

行經越故宮

番禺山腳下傳是尉佗宮鹿逐秦封斷龍飛漢使通荒
墟螢度火古木鳥呼風霸業今何在空憐一世雄

初莅陵水

漫道來何暮荒城一望愁牆垣多豎木官吏半乘牛賦
少增椰稅差煩逮女流傷心諸父老何事忍誅求

已歷山川險還看物候殊古牆生蛤蚧官閣伴鸚鵡落
日元猿嘯空城白鹿趨炎威難就寢兀坐話妻孥

將去陵水

海上烟波當晝陰酸風苦雨晚來侵無多薄俸全蠲餉
不盡殘書久廢吟官佃歲輸柳子酒野人時供翠毛禽
諸賢漫比萊蕪令家世清貧本素心

馬子驥

子驥字右白靈壽人康熙十七年舉人官江西
樂平縣知縣有午夢堂詩稿一卷

答悅生舅

薄宦來瀛海鄉思夢轉頻青瑣羞故我白髮懶迎人離
况情逾切郵書話倍真殷勤將遠意猶念阿甥貧

春暮

昨夜輕黃上柳枝東風吹出一絲絲明知春色留難住
不解流鶯恰怨誰

征人曲

日暮邊城畫角哀千羣鐵騎獵初回遼陽不是衡陽郡
一紙曾無雁寄來

黃之裳

之裳字坤五元城人康熙十七年舉人官奉天
錦州府教授

懷家兄睿五狼

颯颯秋風涼飄飄吹我衣所思在海隅惆悵別經時千

里遠爲客地僻音信稀憶爾羈旅單又恐所願違仰視
河漢改君今歸未歸

泗州山亭

危磴牽蘿薜孤亭而水雲花飛千嶂暮山豁衆流分吳
楚同襟帶江淮下織紋浮圓抽矢處不見賀蘭軍

遊靈巖

雨後靈巖路霜楓落馬蹄峯迴山寺近樹接野天低孤
塔橫雲斷層巒割霧齊坐看江色暮亂木鳥爭棲

過舊城

古木亂啼鴉荒村落杏花沿牆野老在猶說舊繁華

申頌

頌字敬立永年人涵煜子康熙十七年副貢生

有耐俗軒詩集三卷

四庫全書提要耐俗軒集三卷申頌撰頌剛太僕寺丞佳允之孫涵光之姪也涵光所著聰山集以杜甫為宗頌詩則惟作古體無近體古體又皆五言無七言大抵源出阮籍詠懷陳子昂張九齡感遇多託意寓言之作而其運思取徑又出入於黃庭堅蘇軾之間頗為拔俗然其間或有縱筆一往傷於快縱者或有故以波峭取姿掩抑示意傷於纖狹者或有太涉理語傷於實相者瑕瑜互見倘未能一一超詣也
永年縣志頌博學能詩疎宕有奇氣兼工書畫郡事利弊知最悉守令多諾以行喜獎勵後進於人談忠孝節義事竟日不倦晚授唐縣教諭不就

郡隍芙蓉

吾永在畿南僻小遠衝衝雖無多名勝水花近可娛
滄水西南來引注城東隅古名爲老灘瀰漫儼太湖由灘
四分布繚繞滙城渠渠濶十二丈周環十里餘垂楊夾
岸濃桃李相扶疎春雨添綠波紫筍折新蘆夏秋芙蓉
開爛漫錦霞鋪隔城聞馥秘出城踐香蒲沿渠步細堰
一綫徑盤紆回合城門橋車馬香中趨蒼蒼曠無際蒹
葭滿郊郭水鳥不避人飛鳴繞衣裾行行聞雞犬依依
負郭居網曬日氣腥菱芡侵比閭砧喧浣女伴孳生鵝
鴨雛團團水雲中風光四面俱南臨準提庵敞豁好規

模西郭桃花館笙歌羅豔姝迤邐北城陰臺閣枕空虛
詩題滿素壁蟬聯過高車桔槔數畝園逸人東郭廬曲
折遊難徧選勝各分徒帘亭隨處有壺乾酒易沽徙倚
拂花露碧筒代盃盃探泥起雪藕引鈎上金魚漠漠長
林外大堤雲模糊圍抱如崇岡歷歷辨村墟遙眺遠山
嵐明滅時有無風迴荷氣遠日落溪光殊霧靄擁城起
投棲鳥亂呼朦朧見皮樓殘霞耀鉛朱恍如滄海上蜃
氣幻須臾噴色扶醉歸惆悵隔闔闔

稻浦

永年水有三滢洛及衡漳洛水旱易涸山雨輒汪洋漳

水不受渠遷徙難隄防高岸滙成谷深谷壅成岡三水
所經行百里累租糧仁哉此溢水安流順橋梁發源神
廟山達漕助運航來往通舟楫貿易便農商網釣魚蝦
肥利用蘆蒲長隔堤引流入周環衛城隍餘分漑稻蒲
水聲百頃涼芊芊秧稻齊風動碧浪浪芰荷相雜生逐
處散芬芳浸潤夏秋間亢旱不爲殃烟中聞欵乃近人
鷗鷺翔曲折踏清泥衣履沐幽光日照林霧開雞犬鳴
村莊門各橫板橋浣女間垂楊迤邐雲水秀宛在江南
鄉夙聞溢兩岸斥鹵乏耕桑維明嘉靖中高侯始開荒

侯名汝行字建楨隨地勢指掌勞畫疆遂令不毛地永
修古太原人

爲魚米場霞散紅魚美匙翻玉粒香鄰封相則倣創始
推循良乃知賢郡守不獨善一方里人嚴祠廟紀德溢
水旁至今秋菰熟未薦不敢嘗水流日湯湯厥功何時
忘

龍潭

聞昔有烏龍鼓怒撼城闕洪流忽歸斂平原深陷窟郡
郭盤高坻至今愁衝決靈怪耽奇險攢聚爭倏忽跳沫
積昏晦烟中聞叱咄波瀾黑的皦簸蕩驚突兀浴日毒
霧黃飛鳥不能越魚鼈傲天頑羣嬉任出沒非無網與
罟不敢輕唐突亢旱井泉枯終不減浩淳昔傳異人言

有源通溟渤往往陰雲天雷雨此中發急電閃驚濤鱗
爪辨恍惚一氣引鴻濛坤維宣鬱勃頽岸林木偃流汗
草徑滑或見夜深時龍女出弄月清風繞翠羽霜華爛
黃鉞怪誕駭鄉愚建廟修誠謁泥偶森雜亂猙獍露筋
骨對之白晝寒悚惕動毫髮歲時走士庶報賽陳肥膈
徒命快陰欲潛肆鯨魚斲血食不作福水旱猶倉猝富
者無倉箱貧者乏糠粃不悟是非宜但咎誠未竭我無
神禹鎖羣疑安可伐

毛遂冢

毛公爽豁士所向無危疑奇才不在衆得一足以威汎

愛失斯人變起空疇咨公若不自薦養士徒爾爲自薦
豈忘慚功名貴乘時可憐錄錄者空隨秋草萎公名留
天壤公冢長在茲長堤繞西南其北面城池其東車馬
道其中長蒿藜蘆荻烟冥冥古木叫泉鳴至今來英風
沙聲颯沓吹逝者不可作憑弔想威儀不信脫穎後更
無再見奇得非史遺失千載誰能追長歎苦莫伸頻爲
澆酒卮昨走邯鄲中曾謁平原祠相如及李牧亦尙有
墳墓精靈儼未散烟靄回霜曦幽顯理雖隔誠感若可
期我欲邀公魂共往結心知聰山青不改漳水流如斯
誰謂燕趙間今乏英雄姿獨立荆榛久四顧心傷悲

感物

深山有奇樹獨立山之岡堅質如金玉黛色參天長工
師求大木常材充棟梁幸以託根遠不爲斧斤傷孤貞
默自抱恐懼聲譽彰君看用而毀孰與不用滅

幽蘭自在山清荷自在水遙遙不相親芳潔有同美蘭
雜蔓草中荷出菰蒲裏秉志願孤生臭味安可擬所以
君子朋心期在千里

鏡明必借日非能自爲明引對暗室中安能鑑已形大
智不師心先民有遺程君看梓匠巧寸寸依準繩

種菜不種花鋤莠惡坊苗如何貴無用伐桃接碧桃碧

桃花不實桃實花復饒棄茲花實茂無乃情事滑人巧
屈天工顛倒聽所遭遂移碩果力助彼花色嬌精實滿
根株空逐春風消惆悵舊年時垂實已滿條

良驥逸草間雄視輕九州長年不一嘶抱德日悠悠伯
樂遇之喜收養待人求求者笑相謂聲價高難酬驅策
供力役不及驚駘優吁嗟勿復言天胡生驕驄

紀殷仲洪事四十韻

雞澤有諸生殷淵字仲洪其父鎮興安是爲大陸公

諱太

白號大陸關南道副使鎮興安州戰守兼惠養頗足慰兵凶嗣昌出視

師剝削以自豐三日軍無食羣怒集貪庸借公減衆口

竟以軍法從淵乃大悲憤叩關竇宸聰帝怒撓軍機欲
誅憐幼冲赦歸益自憤誓洞仇人胸乃與其兄岳晦躋
混樵農及聞嗣昌死瞋目呼蒼穹賊不齋吾刃沒齒恨
難終淵力猛如虎淵才矯如龍痛父復懷國恨世無英
雄破產集義勇移檄會諸戎當時稱大帥蟒玉荷恩隆
養賊以自固愚怯羞兒童遂使失天險長驅太行東腥
風徧纒輔千里烟氛紅聞有鼎湖泣奮袂思遺弓揮岳
將母去避亂獅子峯淵乃倡大義哭廟會鬻宮遂此擒
偽官闕賊所設官鼓進討元兇有犬突牽衣長嘯淒以恫淵
時心亦動衆志何忽忽是時肘腋間咸與賊衆通當淵

哭廟時賊騎已環攻從人皆奔散隻身搜其鋒雙鏑縱
莫當斬刈如蒿蓬苦戰無聲援圍合復數重仰呼天亡
我誰收再造功身被十餘創日昏歎力窮遂爲賊所攫
棄尸泮池中犬乃逐烏鳶僵死衛其躬亂定收遺骸兼
爲義犬封余每聞岳言慷慨仰英風求死孝不得乃竟
死以忠捐軀在布衣姓字誰見崇美新徒有揚長樂徒
有馮請看義士犬能不慙儀容

把酒

把酒當秋夜浩然天地清清流映遙月白氣橫柴荆月
有萬古色水有萬古聲聲色兩無猜往往相逢迎我醉

正忘言宜與水月盟

箕亭坐月

月滿沙溪白流光搖竹樹遙遙晚鐘鳴聲落幽吟處尙
有耦耕人烟中聞笑語

初冬過胡遜谷先生

三月不過君恍如隔三歲扣門手自開延入門還閉木
葉黃未脫簷鳥鳴初霽君齒何時豁握手驚欲涕薄俗
失英賢踳躓成衰敝入山苦未能豈免塵緣繫新穀獲
幾何長孫就傅未僮粥尙不充道負償何計老境雖日
艱新詩法愈細伏几兩悠然茶烟霏竹絮

雨後登郡城南樓

端居忽不樂起登南城樓高敞縱人志恍欲凌虛游是
時雨初晴萬象含清幽雲日互出沒雷聲轉遙邱溼田
滿霽色蒸氣如烟流此中清泰久城郭居人周開窗萬
戶入市聲喧不休獨立四眺望望盡無朋儔天風吹我
襟穆然如高秋浩蕩忽興感黃梁事有不高呼馬服君

明滅山峯稠

趙奢家在紫山頂故又名馬服山

侘傺欄干熱抗懷延冥

搜竊窈長堤外溪光樹杪浮指顧毛遂豢縱橫亂禾疇
惜哉君自薦足爲好事羞脫穎聊一試壯懷豈盡酬重
泉不可作風俗日渝媮回薄有餘恨英魂激暮愁念茲

千載人頗盡身世由俯仰忘機括極目天悠悠

漫書

漫矜日月長我生漸有鬚雖乏爵祿榮讀書守我儒禮
義化室家卽事良多娛蘇秦誠鄙夫黃金驕妻孥
名位非不榮有如枝上花豔盛難久長徒增衰落嗟至
道山嶽尊不爲榮瘁涯苟抱斯文志何暇競世譁

小園社集限偕字

幽居頗自適况與君輩偕有時各歸家旦夕亦苦乖閒
暇輒相聚共欣小園佳繞籬竹樹稠好鳥鳴空階飲饌
隨時具科跣共一齋翻書析疑義談論間詎諧貧賤何

足言丈夫事無涯莫論老與少但須同好懷肉食古所
鄙名高爲衆排獨此疎散意可以善形骸

遺意

古禮辨親疎人情分族類有過當面責何忍恣背議伏
自念愆尤徘徊味所致魑魅生几席豈余能周備怪君
不聰察徒快流俗忌區區欲自明翻恐遭詬誶親朋雖
滿座躑沓各自媚誰肯施一言爲我展情義丈夫有本
懷非敢矯厓異守已雖見憎神明庶無愧瓶罄罍之恥
本剝葉安寄賢聖於尊卑常使有餘地中心苟乖離面
目亦覺僞訑訑而笑語智者爲憂惴

抱膝望天地豁達長風吹忘情任幽獨甘與世參差感
君拳拳意把臂訂心期量力効微勤籌畫竭愚思君方
誓管鮑貧乏仰余資謂可相終始寤寐不相欺漸看君
意別索冀異曩時我自種黍稷君乃種蒺藜蒺藜在君
懷犁鋤安能施低回掠書篋強半唱和詩念此前日好
未忍卽乖離吐心在君掌有何不可窺掌覆自背君展
轉成猜疑雙鑄雌雄龍報恩知何誰所以英雄人必俟
英雄知

與賈允叶

數日閱君詩思君不及訪昨聞君枉顧又值我他往久

晴冬氣溫益梅綠萼長藥藥金橘垂鮮香散書幌煮酒
遲君來必有新詩獎君來勿復遲君去須月上相去咫尺間胡爲勞夢想

冬日西巖

嚴冬天地閉收穫報登倉偶乘風日霽過我西巖莊牛
毛寒蒙茸舐犢臥斜陽開門殘雪在瓦雀翔空堂圍人
速掃除熾薪溫我裳展席呼其兒奔走供壺觴雖非狼
戾年里閭慶小康敲冰出鮮鯉晚炊薦黃梁獨酌易成
醉畏冷懶登牀隔離招鄰叟依依話夜長虛牖通前溪
寒犬吠燈光始知疎散意所遇成義皇

哀流民

朔風吹枯蓬數里聞號呼行行見流民狼狽紛路衢面
上多塵土身上無完襦逢人跪告訴欲語淚連珠豈不
懷鄉土恐懼急征輸頻年遭旱魃原野盡焦枯卽欲鬻
男女無人能養奴盜賊食生人官司笞瘦膚性命無由
保何暇念田廬棄絕祖父墳扶持兼妻孥所過州與縣
貧苦畧無殊年荒禁令嚴不許入城郭白日食草根黑
夜臥榛蕪老稚不耐苦沿途死溝渠到此十餘一充腸
半粟無自然死不免或可緩斯須言久氣力絕伏地但
歔歔令我摧肺肝欲去更躊躇所愧書生囊能得幾青

妖人各給數文聊爲一食需食已還復饑更將之何都
樂土知無地流離徒崎嶇不見吾鄉民亦多遠逃逋

聖人握至治備荒足倉儲賑濟行天仁 詔下萬

葉蘇請爲歌

帝德相勸返鄉閭

中秋宴集贈路廷彥

中秋良宴會爲歡亦多方何爲烈士心惻惻恒感傷起
視星漢微皎然月舒光低回攜君手有酒不能觴去日
日已多來日日正長及時崇令德無遺髮毛蒼古人勸
秉燭何如戒太康

鄭維孜

維孜字修來號韋菴南宮人康熙十八年進士

歷官江南道御史

孫勸鄭公墓誌君年三十舉於鄉己未登第壬戌授行人辛未推御史壬申試俸江西道巡視中城癸酉以稱職授甲戌復巡南城乙亥補江南道御史以朔州文安諸州縣逼處河干類罹水患疏請所以善其隄防者詞甚切至丙子監試鄉闈辛巳九月以例外轉庚寅歸居熙圃尋花藝蔬時課子弟以終老焉君三入臺班疏凡十餘上多關時事之大者而論科場九切

舌傲吟

昔人幸舌存吾舌固仍在不如顏常山割之以為快舌去英名成舌在形骸壞崛強不措詞焉用此一塊親知來相視無言謹再拜能不激中懷日夕增感慨忽念邁

古稀身事同沆漑百竅都無虞四肢感足賴形神一朝
盡事定棺卽蓋誰知有舌無默默以相待

灑兒作詩二首以慰卽用其韻示之

薪餘猶有燼妄意可重然今乃收絲轡爾其攜橐餽
鬻無復染牙齒幸俱全歸去從吾好鄉關夢正牽

兒輩抱孫久胡爲尙認真熱中悲昔聖貧得笑時人還
結農夫伴休逢醉尉嗔所防有顛躓藜杖護吾身

留別賈蘊冲

此生祇合老烟霞忽欲摩空效暮鴉野鳥徒縈三匝樹
上林難託一枝花傾陽未改區區志遵路還驅去去車

西過故人須握手南尋荒徑待鋤瓜

武林烟景分難遊半載京華笑滯留不向房山看紅葉
却羈燕市負清秋先生雨化帷前士賤子盟尋海上鷗
待得蒸蒸風一變還探談社舊時籌

劉果實

果實字師退號提因滄州人慶藻子康熙十八
年進士官翰林院編修

天津府志果實讀書一過成誦十三補諸生十
七舉於鄉二十一成進士性孝友父歿遺產盡
讓於兄妻亡不再娶每曰夫死改
適爲喪節妻亡再娶獨非失義耶
趙執信懷舊詩序滄洲劉果實提因與余同康
熙己未榜長余四歲其於世味了無繫戀三十

喪妻竟不娶詩文恢詭雄辨
菲薄迂儒不可以法度求之

秋日城西訪友

葡萄熟後已無瓜楊柳蕭疎村徑斜一樹當窗門靜掩
豆花紅處是君家

閻中寬

中寬字公度號易菴蠡縣人康熙十八年進士

官戶部郎中

李璩序公度博極典墳
發爲歌詠皆有法度

此夜

此夜偶然靜敲冰煮沸湯疎鐘催月上獨坐覺更長屋

峯風無力情恬病不妨比來憑一懶身世得相忘

任邱早行

為逐征人共曉行驅車和月過虞城貼雲飛雁千聲下
入水殘星幾點明遠寺鐘聲平野度荒村烟影隔林橫
近來道上風霜冷對此蕭蕭百感生

楊 雍

雍字西涇寶坻人康熙十八年進士官翰林院

檢討

寶坻縣志西涇學術深醇康熙壬子冠京兆試
從顧亭林受左氏春秋經學益邃己未成進士
改庶吉士授檢討與修會典恪勤厥職廷議
詞臣雍詩稱 旨生平不附權貴家無餘

貲蕭然自樂卒之日幾不能殮人尤重其清操趙執信楊君行狀君先世居沙漠以軍功世襲指揮千戶因成寶坻遂家焉君穎異八歲能文章十一歲應童子試輒冠其曹補博士弟子壬子秋領鄉薦年二十四京兆人文之盛莫如是年而君為解頭名大噪已未成進士授庶吉士讀秘書君資既絕人誦讀蚤夜不輟又以其餘汎濫辭賦切磋朋友辛酉授檢討甲子夏延以會典未成開館纂修君分纂二書矣積如山窮力為之疑寒盛暑披閱不倦以勞卒家貧好客又孤介不肯干求日以困子時往視疾造其室荻簾土銜布被不覆身嗚呼悲哉

贈淑萃先生

鄒魯言旋與轉豪感君白雪勝綈袍氣呈異彩凝奎宿
文砥中流挽巨濤隔面每虞生鄙吝醉心常似飲醇醪

相知莫讀靈均賦自有秋風散鬱陶

國朝畿輔詩傳卷二十

終

國朝畿輔詩傳卷二十一

長洲陶

樸鼻薊輯

江都汪喜孫孟慈校

龐 塏

塏字霽公號雪崖任邱人克慎子康熙十四年

舉人十八年

召試博學鴻詞授檢討降

內閣中書舍人出為福建寧府知府有叢碧

山房集五十七卷

四庫全書提要叢碧山房集五十七卷附詩義
同說二卷龐塏撰是集凡八卷雜著三卷翰苑
葉十四卷舍人葉六卷工部葉十一卷戶部葉
十卷建州葉五卷皆其所手自編定也塏為詩
主於平正冲澹不求文飾當王士正名極盛時
能文之士率奔走門牆假借聲譽塏獨落落不

相親附故王士正亦不甚稱之惟記其病足詩
 切防美人笑楚者春來不過平原門一絕而已
 然塏早歲所作頗得深婉清微之致晚年菁華
 既竭流於枯淡其舍人葉不及翰苑工部葉不
 及舍人戶部葉不及工部至建州葉以後顏唐
 益甚田雯為作戶部葉序以白居易陸游比塏
 意頗愜然實箴規之言也未附詩義因說二卷
 論亦切實惟推衍嚴羽之說以禪談詩轉至於
 支離曼衍是其

好高之過矣

任邱縣志塏幼有至性以博學鴻儒

試授檢討纂修明史有明都御史某裔暮夜懷

金求勿入魏黨傳力拒之既而改補內閣中書

舍人陞工部都水司主事尋晉員外郎陞戶部

廣西司郎中戊寅出守建寧浦令以嚴苛激變

邑人乘夜焚冊局殺冊書民罷市令懼而逃公

問之兼程赴浦召紳士集明倫堂數浦令罪論

士民無生亂查倉庫及冊局收未焚餘冊變遂

定時制府惡閩俗刁悍欲借浦示威而浦令與

紳士為仇欲周內之塏曰彼令實甚吾肯殺人

媚人耶僅坐重罪一人流二人九仙山多盜往

往掠人索贖名曰餉戶墜曰盜在山必仰食於

外絕其窩引乃可除遣捕役密跡之前後獲江

洪舉義光明等數十人賊窟將移穴又命捕役

率鄉兵要於路賊拒捕乃發火鎗中賊首羣賊

奔逸奪回餉戶數人境內帖然聽訟簡明遇骨

肉構訟必發其天性令自悟論而

遣之謝政歸里卒年六十有九

朱彝尊序叢碧山房詩雅而醇奇

而不肆合乎開元天寶之風格

許汝霖序先生癰容峻骨冲夷自向出守建州

政尚清簡不廢吟咏歸後有和陶詩百餘首天

設地造不假安排較蘇文忠

僂耳所和更覺自然古雅

毛奇齡序雪崖詩原木心志故言多根抵比之

擢本之木入地于尋拔地亦于尋今先出家庭

紀懷詩問世本在是詩亦在是而吾即推之為

人倫之書前乎此者則安仁叙家風康樂述祖

國朝後補詩專卷二十一 二

德王融懷叔陸景寄兄秦嘉贈婦左思鮑照贈
妹王景柳玳陶潛杜甫盧仝韓愈或喻兒或謂

子往往然也吾
得而並觀之矣

鶴徵錄雪崖有詩名頗通禪理爲人恬澹升沈
隨時不以經心前人謂其所嗜專以篤故所成
精以深詩也
進乎道矣

荆軻山弔古

青山何盤盤林樹亦扶疎古之慷慨人於此託室廬感
彼燕丹義西行入秦都左攜於期首右持督亢圖寒風
吹易水至今歌嗚嗚

雜詩

年來常苦饑驅犢事躬耕一朝感時雨童苗雜草生把
鋤不及辨往往去其秬秋分萬物熟吾亦幸收成布種

過五斗收粒畝三升得失不相償徒爾費經營家人共
相誚此事非所能

大山高百仞小山高一尺各自感生成大小不相借富
貴忽中人辛苦爲形役小心奉顏色行止何踈踏我欲
學所爲未肯行復易蔓草緣短牆野性終不釋滌蕩以
自放我心仍匪石

蠅卵育蚊眉象骨出蛇口乃知天地間萬事靡不有牀
頭一卷書牀下一瓶酒讀書未兩行飲酒過五斗仰思
嵇阮儔縱飲如恐後品題由他人智愚兩不受

嚴子陵

咄咄嚴子陵長年守一灘春釣灘水溫秋釣灘水寒士
生各有志豈必在高官故人雖天子不能奪釣竿

野雞尖

太原西北山所厯盡巖嶮吁駭野雞尖其勢尤險絕蠢
然塞天地一氣無罅缺元黃失正色棘澀類蝕鐵三步
無正行五步隨拗折突兀聳怪石形狀亦區別或如餓
豺躡或如怒猊抉造化逞巧力種種開獐劣幽恐傷精
魂道復臨虎穴縱橫交殘骸模糊灑殘血兩僕夾我行
色失氣復結蚊緣不及息雙足任蹙蹙凌晨發山麓達
頂景欲滅四顧見諸山瑣碎如蟻垤脫險息山家心神

猶憒憒回思登高訓真有愧明哲

石猴山

行行躡危盤初日靄晴照遂凌石猴巔得名從所肖宛
如驅萬猿散之滿山嶠俯者如哀啼仰者如長嘯靜者
如倦蹲跂者如引眺危者如學挂聳者如突跳神工運
鬼斧刻削竟絕妙傍見石巉山其峯亦奇峭傲然雄對
峙倔強不受調恍如黃池會吳晉互相譙爭長兩不下
援桴欲擊標性癖好幽奇危行探荒窺日暮忘所歸積
望發一笑

西寺

愛從西寺居不厭西寺靜晚鐘一以發羣籟寂靈境湛
湛戶牖間孤燈耿疎影春寒火力微枕席怯清冷展轉
不成眠忘言酬夜永側想條山內萬里倒中嶺衆鳥各
已息深林靜無警爲吾有吾心千變起俄頃遂令清淨
界憂樂爭馳騁塵勞詎可窮心息念自省持此問世尊
默默卽見領

久客思家

條山朝如藍條山暮如靄朝暮對條山愁懷了不見故
人念遠客握手殊眷眷三日兩餽食十日五高宴口腹
養有餘客久合自賤我家瀛海東厯州復越縣道路豈

不長客心日千轉春風野草綠晴林啼鳥變藜藿應已
肥歸與復何羨

贈別彭孝緒進士

問君欲何之言尋宛與洛鄴下古名都濁漳帶長薄公
子在西園文士爭附託佳人回雪舞美酒黃金爵詞若
春華敷氣與秋霜落倡和引風驗煌煌留制作悠悠千
餘年流風未寂寞君才過應徐瀟酒存標格諸侯愛敬
客前路誰爲薄南向瞻嵩高秋色滿寥廓作詩贈古人
曠懷感今昨

菊下獨酌

遠客行復歸入門喜秋霽寒蟲伏草根落葉下庭砌萬
卉各已凋黃菊時爲帝老幹挺扶疎花葉自相綴經霜
色逾妍寒香襲衣袂愉悅偃東籬濁酒時自貰誰能共
歲寒爲君結幽契

送趙旦復遊閩中

鴻鵠輕千里男兒志四方人生不得意焉用守故鄉慷
慨呼僕夫中夜促行裝南行陟幔亭高標插穹蒼奇峯
三十六羅列爭低昂長揖武夷君傾壺出瑤漿半酣激
長嘯神氣何飛揚濯足九曲流晞髮陽阿傍豈知同心
人相思懷永傷

平泉墅

訪古問平泉所見但荒草愚哉贊皇公承先事締造花
出日南嶺鳥來隴西道作書戒後人木石以爲寶豈知
崖州行厥躬不自保我來當清秋露白風浩浩岸谷尙
未移故物跡已掃披荆覓殘基漫滅誰能考

清明陪涓清東塘杜少南廡卽景

良游當及時晨起命僮僕同人夙有期載酒試春服南
尋陶正坊烟光媚草木緬懷溯在昔埏埴起平陸時日
延古今高下變陵谷人生能幾何風塵長局蹙山水向
夕佳清暉蕩心目杯行誰當遲妙論迭往復逍遙歸去

來長吟聲相逐

題黃大癡雪溪圖

疊疊雪溪山活活雪溪水收之尺幅間曲折皆相似林
樹颯欲動烟嵐隱然起茅屋無四鄰遐想幽棲士安排
已入化造物通原委邱壑性所存披對誰能已

擬古贈渭清

高門多車馬日暮有經過上客黃金爵佳人白紵歌此
時楊子雲把卷正吟哦高言守寂寞嘲誚常苦多仕進
由他途誰爲陳四科輕薄得先駕儒服空蹉跎歸與覓
紫芝窮究依山阿

良會難再得設席奏清琴琴聲一何悲聲悲感我心無
乃送遠曲值此青春深游魚喜共沼鳴鳥戀同林豈無
尊中酒日暮聊共斟一曲未及已涕泗橫沾襟不惜涕
沾襟非子誰知音

鳩鳴草不芳鴟呼鳳無德莠言喜出口讒人心罔極慈
母猶投杼大聖亦去國千古同一時智者自不惑餘梁
匪所希冥鴻安可弋回翔池上情高舉雲中翼

咏懷

日月不暫停今古迭成代來日非今朝往者焉能再杯
酒樂當前勿用常慷慨人生如不死白日應無晦長生

求神仙松喬今安在安排由大化去來兩無礙此身猶
委形身外當何愛

飄風吹衣裳浩乎吾將行六合誠拘墟願以窮不名中
途逢若士一遇如平生引手接我上颯舉凌玉清手弄
若木枝耳聽鷓鴣鳴下視見人世傾奪方縱橫吾今去
爾遠好惡莫相爭

送劉季木宰長沙

尊酒不可盡白日忽西馳與子非一身焉能無分離愛
深情忽割毅然與君辭邑宰非高官發軔良在茲男兒
建功勳須及壯盛時展子利濟才長沙亦易治我留長

安道君行湘水涓職業君自勉暇當還相思

送葉存衷辭官歸里

余留非本心君歸亦余志胡爲感臨歧悲來不自闕酒
酒眼前人好惡與余異蕭艾自言芳美服增多忌幸與
子同心相將勵行義君去誰與鄰况當老將至有別卽
今朝再晤擬何地瞻望一茫茫相思從此始

朱竹垞將歸浙中詩以送之

君如海上鴻道遠猶可至我如秋郊蓬飄飄將安寄徘徊
歧路間相連不得意感君鑒微忱相親如兄弟靈修
終易化高名滋多忌風波起無端中道忽捐棄竹垞有

舊廬千竿聳蒼翠歸與覓紫芳黃髮志已遂應念同門
友京華獨顛顛五年風雨心分手如夢寐

感懷

以下和陶次詠貧士韻

游子戀庭闈夢魂常依依一身攜萬里何由奉音徽返
景灼寒林有鳥鳴且飛鳥飛猶顧巢久客安忘歸匪朝
直伊少悄悄如調饑腹饑尙可療誰療心中悲

有日聊足視無爲須離婁妍媸有定形物至適相酬至
人不用目所視靡不周漢治近三古漏網於吞舟餓麟
不解噓何用深相求

感興

次答郭主簿韻

桂生不作林獨立揚清陰清陰令人逸坐倚開吾襟或
把一卷書或彈一曲琴俯仰宇宙間何古復何今今古
時雖殊道在始可欽尊中有美酒斜日聊自斟飲亦不
成醉歌亦無知音行年六十翁短髮不勝簪胡爲此棲
棲憂患徒自深

志士惜當年賢人愛晚節歲暮衣裳薄涕下何清澈傍
見巖間松青蔥獨秀絕霜雪豈偏貫後凋於羣列興起
恒由我有待非豪傑欲惡去處間以道爲真訣前路已
無多淵冰答歲月

人日贈準公

次癸卯歲始春懷古田舍韻

喜食香廚飯不厭香廚貧道人能好事聊與盡殷勤憶
 自前世來吾宗多異人遯世與出世殊行後先新余亦
 抱微尙白法心所欣何日辭軒冕脫離要路津君前見
 古德不孤託有鄰願言從居士兼之謝山民
居士龐老
 子山民德
 公

將出境留別鶴山柘浦兩院諸生

次於王撫軍
 座送客韻

讀易心不快觀象良其腓於隨義未忍卷懷逝將歸
 哉實所安臨歧重依依依依此云何良友有乖違回首
 語諸子毋爲無益悲吾道苟不忘萬里共容輝吾廬當
 孔道終老託棲遲往來有驛使存問毋相遺
在邱爲閩
 浙入京必

由之路

過杭州別王仲昭老友次辛丑歲赴假還江陵夜行塗中作

江雨亦有歇白日出沈冥停舟不忍發念我故人情別
來非甚久依依認柴荆故人喜我至攜手笑顏生三年
不增衰耳目益聰明呼童出尊酒斟酌話生平平話
不盡舟子促前程願言從此歸歸去事躬耕二者各高
年心為喜懼縈吾自從吾好誰爭利與名

遂次嘉興訪徐勝力學士承展待感賦次癸卯十
二月中作

與從弟
敬遠韻

徐公崇實學大雅良卓絕老罷猶著書白日門常閉博

識窮古今開心見冰雪家食一淡泊待客取豐潔繫余
匪他人倉卒何盛設形分有南北心同一悲悅酒後忽
狂發稱先述往烈趙張不令終廣受全晚節禍福有根
源得失非巧拙君其葆冲和長行自茲別

寄李黃門公凱

次彤答彭韻

生世不諧世余亦嫌余拙相知得李君心蹟不澗絕暫
違輒相思相見卽相悅忽爲萬里行驚心五載別江湖
足風波榮華易消歇投閒情所安誰能常執執何當一
握手積懣爲君竭面目強猶存幸無棄薄劣

歸舍後簡謝人事定省餘暇時緝故書有作

次庚子歲

五月中從都還
阻風於規林韻

受性不適俗風昔好獨居殘書猶滿架目擊心相於礪
何小紅煙亦在東南隅倦鳥喜舊林疲馬畏前途館宇
足逍遙何必江與湖南風過短垣松竹弄清疎一編娛
俯仰何事不自如

咏懷 次飲酒韻

夏木不嫌密鳴蟬不厭喧長日無所爲高臥屋南偏相
得素心人淪茗說名山有來亦不迎旣去任復還老夫
畏世故外事那足言

種樹經時雨綠葉揚朱英擁雁天所選厯落別有情用

卽無可用傾亦弗自傾夕陽好鳥來交交相和鳴婆娑
處其下因君得養生

畫虎行

李克承新購畫虎一幅神氣欲生當出宋元代
高手惜欸識漫滅李自製長歌索和

高軒不合有真虎氣壯神雄含餘怒李子好奇苦見求
黃金一擲輕於土有客過訪初拾級却望逡巡不敢入
徐聞人語始登堂坐對仍覺毛髮立自有此虎掛此堂
夜夜壁上生光芒俚鬼暗伺空庭黑白狐走泣黃狐僵
此物卽今比比是薦食貪饕如封豕我本談虎色變人

不獨怯真兼怯似徘徊再四增長歎戴牛韓馬非奇觀
當年作此者誰氏豈無駒虞與角端

雷琴篇爲張工部晴峯賦

冰絃條條裏錦綺梧桐漆老三尺水牛毛細縷斷成文
題識依稀辨雷氏我聞蜀人有雷威取材面勢窮精微
製成每爲知音賞就中第一傳金徽又聞桂府王推官
千金買付姜宣彈今之此琴無乃是明徽連絡晨星寒
王君好事姜生手張侯兼之世未有傾囊購取歸山房
焚香坐對如良友余也嗜琴入骨髓不達琴音達琴理
連朝病熱苦炎蒸神氣昏昏半欲死安得張侯攜琴來

萬壑松聲座中起

渭清席上贈張杞園

瑯琊李子與余善比鄰日日常相見雄談滾滾座生風
細論人物誇鄉彥十回九說杞園才太山百丈爭崔嵬
使我神往陽邱道束裝不到黃金臺十月渾河凍欲裂
訪戴忽踏燕山雪趨陪不待書簡招疾走寧防屐齒折
風流文雅何翩翩博物驚逢張茂先當今

皇帝

戊午歲 詔下遍採山林賢維時杞園方讀禮徵書十
道來鄉里麻衣不忍脫朝

天坐令珥筆失奇士

人生得失何重嗟一尊幸共開天涯丈夫意氣感知已

眼前况有寒菊花老槐叫風烏啞啞東方漸高明月下
餘興未盡且歸來明日相邀過茅舍

以詩代書寄楊宣樓明府

楚天歸後音問疎干戈滿地傷離居邇來太平開道路
一月兩接當陽書書中苦道別來久歷數姓氏問諸友
韻罷低回憶徃年日日東園共尊酒深源興起捋長鬚

殷擴

太白醉態真狂奴

李性符

孝先有腹不解飲

邊四重

時

聞高唱聲嗚嗚劉尹風流終自若塏也蒼頭癖不惡城
闕不愁曉角催高天邊問晨星落此時意氣同歡娛此
時懷抱無嗟吁蓴鱸一夕秋風起山河頓隔黃公壚李

大頭白殷四死門掩蓬蒿困邊子眼底無復故時人空
對燕山怨楚水燕山楚水何逶迤強從薄宦淹京師日
食大官三升米意興蕭索非昔時我昔送君君髮白別
後十年增間隔不知筋力近如何老腳可能踏山屐感
君意爲君吟望而不見傷余心何由一葉浮湘去堆藍
山好共登臨

重陽後一日潤清席上送陳子萬宰安平

李子設宴陳君來北鄰龐子趨相陪主人瀟酒多逸興
纔屋黃花相映開可憐秋色盈戶牖尊中賸有重陽酒
老槐葉落秋月明大杯小杯各在手人生會合由來難

好景當前胡不歡
陳子風流新作宰
官書有限辭長安
博陵故地殊不惡
五里山城七里郭
元龍意氣自當年
太邱治譜傳家學
懷中長劍初發硎
萬仞欲截恒山青
官舍有時思故友
攜酒還登廣望亭

秋日送陸次雲宰江陰

半落不落秋林清
欲斷不斷秋蟲鳴
久客驚秋不成寐
傷心况復聞君行
憶昔相識長安道
憐君意氣與君好
慈仁松下賦新詩
筆力直壓陰何倒
江陰縣古臨江臯
名區作宰憐風騷
秋月平鋪申浦白
秋雲不動君山高
彰義門前離別處
瘦馬常騎出官署
昨日方別故友歸

今朝又送良朋去人生聚散何其多
河梁攜手同悲歌
督亢陂前野草綠荆高市上浮雲過
楓葉離離照日暮
可憐分手卽長路欲問離情何處深
西風颯颯吹江樹
雪塢上人出所藏錢選花鳥畫冊索題分得梅花

爲賦長句

花枝欲動鳥欲語誰其作者錢舜舉
雪公愛比蘭亭真
七寶經函秘藏貯朝來示我索題詩
五色照眼光離離
我披數幅驚歎絕就中尤賞梅花奇
此花不與凡花伍
冰雪漫天飽辛苦南枝幾朶報先春
等閒桃李色如土
去年買梅寺東廂龍髯虬臂一尺強
骨格欲並章華古

幽韻不減羅浮香今年十月已含萼生意欣欣向山閣
形容宛與此畫同只有枝頭少山鵲天寒地凍無風沙
杖藜好過龐公家入門一見應大笑窗前倒影看橫斜
暮春送沈方舟赴汴城

千林綠暗春將歸野蠶作繭天絲飛旗亭欲暮微風起
無數楊花撲客衣沈郎行色何瀟灑青絲鞵鞞赭白馬
倚馬題詩別故人翩然遠赴梁城下梁城城北臨黃河
白浪倒捲雷霆過宋宮花石那可見日暮城頭烏尾訛
我昔曾爲大梁客十日郵亭心不懌陸載未見有逢迎
鼎肉徒勞繼朝夕信陵公子安在哉沈郎無事當歸來

帝京四月芍藥開
千紅萬紫圍豐臺
待汝載酒城南
路暫時分手莫心哀

送宋稚公下第歸養

西風颯颯高雲涼
千林葉落啼寒螿
秋風中人懷故鄉
我欲贈子無衣裳
平田禾熟烟漠漠
前飛鷓鴣後燕雀
布帆獨掛歸去來
白髮承歡依山閣
飯菽飲水胡不樂

寶珠洞

一塵飛不到十載閉禪關
野樹隨高下幽琴任往還
石堂開晚磬鬼火度荒山
欲問藤蘿外諸天杳靄間
古洞何年鑿僧來試定心
佛幢燈影動石榻坐痕深

澀人稀到林幽日易沈相傳十里外遙聽木魚音
千山銜落日一徑入雲斜遊客攀藤蔓山僧飯樹花怪
松穿石壁歸鳥過殘霞正好修行地誰能便舍家

龍湫

碧甃依臺殿波深極洞冥鶴飛朝避客龍出夜聽經秋
樹遙同響山光欲並青怪來雲氣繞

宸翰在高

亭

夏日書懷

小院雜花滿閒居事事幽枯棋消永晝濁酒散深愁顏
駟悲難遇相如已倦遊逍遙遂疎懶於我更何求

露坐憐疎豁移牀就竹陰山風吹散帙暝色下栖禽人
世閒難得年華老易侵茗柯存至理飲啜靜相尋

送劉長馭赴開州

又向瀟淵去同人自此疎相看俱老大屢別愧鄉閭雲
樹千山外鶯花二月餘到時逢北雁須寄數行書

二月二日

高林上初日晴色劃然開大澤蛟龍起長空鴻雁來春
光先著柳花信已驚梅幽賞堪乘興頻頻問撥醅

送友人遊湖南

行色蠻方遠鶯花別恨牽離歌燕市酒獨客楚江船洲

暖生香草村孤隱
樸烟衡陽遇回雁
尺帛定須傳

遊寄園

已覽林泉勝仍憐
意氣真地偏容大
隱天與作閒人對
酒歌兼嘯吟詩冬
復春看君高卧好
回首愧風塵

過白雲寺

不見潔公久經過
問鹿園草深難辨
路客到始開門兩
色沈秋樹蟲聲亂
石根此中隱禪意
莫共俗人論

山寺

荒磴苔乾屐齒輕
寺門晴鎖午烟平
灘聲靜抱巖頭轉
雲氣虛從殿角生
講院長留馴鹿蹟
題牆偶見故人名

老僧只解蒲團坐無數松杉一磬聲

秋夕言懷次耿又樸先生韻

雲樹蒼蒼向夕陰高軒半掩見棲禽庭花過雨稀疎放
孤客逢秋感慨深城闕千家閨畫角鄉心一夜怨瑤琴
西風回首蒹葭晚咫尺空憐未拂襟

過渭清寓見絳桃將謝有感

客裏風光換袷衣宮槐葉長綠初肥禽來靜院啼偏好
花到殘春看漸稀白髮驚心人欲老青山滿眼願空違
僑居不遠憐君在步履時時問竹扉

喜顧景園過訪

北風吹雪小寒初門外驚聞駐客車一笑便呼傍舍酒
十年久絕渡江書烟霜路遠情偏切文字官閒興有餘
倚寓東西知不遠時時相過慰蕭疎

毅文歸再賦

微雲疎雨下河干千里鶯花伴客還別友聊斟燕市酒
結廬新買鬱洲山折腰當路將何補晞髮陽阿好是閒
明日便應辭帝里石生無事馬蹄閒

送申敬敷宰宜陽

一曲驪歌咽不休故人試宰向中州魚龍氣靜黃河夜
禾黍涼生少室秋百戰烽烟連絕塞十年風雨伴牢愁

酒闌日暮分攜處厭聽鶯鴻叫遠洲

曉巖衆瞻過寓小飲

門庭靜掩足清幽豆蔓匏藤晚未收南國人來成小集
東鄰酒熟喜新篘偏嗔落葉喧寒雀不分黃花對白頭
公暇相留賒一醉狂歌颯颯動高秋

弟璽入都探疾

重騎羸馬到金臺二月東風寒轉催踏雪未辭行道苦
關心直爲愛兄來髮膚在我應知罪步履因人亦可哀
賴說高堂各康健燈前懷抱一時開

同何公權過雪公文室看梅

年光物候遞相催，臘近禪房見早梅。
老至從教雙鬢改，尊前且對一花開。
人依勝地懷先放，客喜深談晚不同。
爲說新春消息動，寒林啼鳥莫須哀。

送少司空某公開府湖北四十韻

屏翰新開府，提封舊楚都。
山川繞近蜀，舟楫半通吳。
黃鶴傳今古，朝雲信有無。
村村連橘柚，處處長菰蘆。
水陸交雄鎮，要荒扼要衢。
將求專閫寄，須具濟時謨。

帝簡誰攸副，公才展合符。

龍起豐沛繩，武繼

司徒自率冬官屬，還欽底績殊。
河流歸滄澹，經費謹錙銖。
小吏除奸詭，羣工効誦呼。
淵懷涵水鏡，清節映冰壺。

每遇軒前奏遙聞

帝曰俞咸將稱一德久矣結

中孚豈也生燕鄙家聲愧魯儒偶然貢京兆亦未脫蓬
樞負未奇難任焚膏志敢渝恒羞爲篆刻或謬許書廚
徵召偏承薦詞林竟濫竽量移仍造次置散且歡娛遂
補中垣列旋隨水部趨匪躬思蹇蹇暇豫笑吾吾考願
陽城下名嫌吳祐污有官陪畫省無室混僧雛舌在依
前強骸存自幼癯中年先就老再出本非夫那足垂青
顧重蒙引手扶吹噓回羽翼提拔免泥塗直惜桐爲爨
方推屋及鳥知深一人在感切寸心俱下體纔堪託行
期又欲徂霏霏看雨雪悄悄悵分途內殿頒盧矢前

遠近和鳴雞朝暉望欲迷波環隄左右地似灑東西柳
影藏鳧隊荷香送馬蹏賞心隨命酌村酒正堪攜

題張子大樸園圖

王石谷畫

開卷輒神怡高林俯碧池人間傳妙畫天外識幽姿紅
白花千點蒼茫水一陂無勞曳筇杖訪勝入嶽崎

薤草疏前圃開林闢舊阡縱無丹雘飾別有水雲鮮堂
構承先志詩書啓後賢澄懷時自得未易向人傳

勝絕溢陽地馳驅我再經嫩荷排地覆高柳插天青曠
覽登危閣清吟步小亭樵歌與漁唱時入靜中聽

澗漾陂塘接青蔥竹樹鄰景妍蜂蝶戲機息鷺鷥馴烟

藹紛干狀軒窗無一塵讀書兼載酒勝賞逐時新

送張松樵鍊師還廬山

竟謝浮榮覓紫芝好山深處結茅茨伯英家法原能草
栗里遺民更有詩時踏青蒼舒朗嘯未忘黑白一彈棋
匡廬到處懸飛瀑可許支筇共問奇

西山雜詠

拂而風吹山草香石欄橋畔裊長楊緩行更踏前峯去
日落陂塘正晚涼

張烈

烈字武承號莊持大興人康熙九年進士十八

年 召試博學鴻詞授內閣中書歷官春

坊贊善祀鄉賢

四庫全書提要攷堂文集二卷張烈撰烈有讀
易日鈔已著錄烈篤守朱子之說故集中多講
學之文然如朱陸異同論王學質疑皆未免有
鍛鍊周內之意不及其賈董同異論之持平蓋
漢學但有傳經之支派各有師說而已朱學既
爭門戶則不得不百計以求勝亦勢之不得不
然者

鶴徵錄烈少聰穎讀書數行俱下長而潛心性
命之學毅然以閑邪衛道爲己任性至孝事繼
母委曲承順人無間言生平
著述皆有關人心世道之文

學詩

洗心棲穆窈淵淵天籟鳴陶公何如人章句乃能清我

今滯塵慮安取風雅名修名動相軋竟忘怡我情斂懷
放百物庶以幾和平

置身定何許悲悟苦不早年崇志每降識深智彌槁苟
欲得微稱至理務探討我思古之人所貴端懷抱姬公
作雅頌吉甫歌肆好未必愛雕蟲立言爲世寶

錢中諧

中諧字宮聲號庸亭昌平人順治十五年進士
康熙十八年 召試博學鴻詞授翰林院

編修

鶴徵錄庸亭學問淹貫詩文雄贍爲諸生時請
減蘇松浮賦條議三吳水利開濬劉河皆切於

國計民生惜業
散失無存者

少年

少年遊俠五陵豪意氣如雲照錦袍
寒鎖畫樓封豷菴
春回別館醉葡萄慣拋金彈飛黃捷
學舞龍泉太白高
行樂不須辭秉燭朱門臺榭易蓬蒿

勵杜訥

杜訥字近公號澹園靜海人諸生以工書供奉
內廷康熙十八年試博學鴻詞
特旨

授翰林院編修愿官刑部右侍郎贈禮部尚書
謚文恪祀賢良

靜海縣志杜訥學問淵通工書以繕寫

世祖實錄叙勞除福寧州同知未赴

賜

食六品俸入直內廷尋舉博學鴻詞授翰林

院編修累遷刑部右侍郎出入禁闥二十餘

年小心慎密前後

疏奏多所建白

全祖案詞科燕言

特賜同博學鴻詞科

考試者二人填入榜內則錢塘高士奇靜海勵

杜訥二臣以御試鍾王書法皆久供奉

南書房者試之日亦賦省耕詩一首進呈高

授侍講勵授編修

誠千載希遇也

題張侍郎子大樸園圖 圖為王石谷畫

金谷已榛蕪平泉誰繼作繁華銷歇只轉曠永世長存

惟淡泊司馬功成恣燕閒胸中自有真邱壑一區別業

隔塵鷲縈帶河流負城郭尋常花木綴清幽幾楹軒檻

辭丹腹杭稻千畦綠映牆芙蓉十里香侵幕無邊野趣
供流連偶爾壺觴留太樸清白高風奕葉傳太史聲華
在木天樸園先生繩祖武蓬山虎觀資儀矩言會昌時
未易酬故園久待烟霞主松菊栽培插竹籬掃除三徑
開蔬圃總是象賢師儉意不增一椽與尺土緬懷先澤
遊頻却喜王蒙寫逼真滄原風景元殊絕襯貼林亭
招耀人展卷低回生遠思何時卜宅結芳鄰

明初嚴輔詩傳卷二十一 終